



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Avtvmnalis - A Dominica Decimaquinta post Pentecosten, ad  
Adventum

**Haineuve, Julien**

**Coloniæ Agrippinæ, 1665**

Aut cœlum perit divitiis, aut emitur.

**urn:nbn:de:hbz:466:1-44846**

16.6. *divites sui marcesces. Id est, de repente & impro-  
vise, tum ipse tū quæ collegit, omnia deperibūt.*

## SECUNDA VERITAS.

Non fit à Christo Divitibus difficultas  
regni cælorum: sed illam sibi faciunt  
Divites contra ipsum Christum.

RATIO EST, Quia tota difficultas possiden-  
di cælorum regni quæ fit divitibus, fit à prava  
cupiditate, vel à malo divitiarum usu, ut infra  
declaratur.

16.7. 147. *Atqui hæc prava cupiditas & malus divitiarū  
usus non fit à Christo, sed ab ipsis divitibus con-  
tra Christum. Quare, inquit S. Augustinus, quod  
sufficit operi Dei, non quod sufficit cupiditati ve-  
stra. Cupiditas vestra non est opus Dei.*

16.8. *Ergo neque à Christo fit divitibus difficultas  
Regni cælorum, sed illam sibi faciunt divites cō-  
tra ipsum Christum: unde nihil est quod accu-  
sent nisi semetipsos. Quod spectant illa quæ habet  
S. Hieronymus ad Cælantiam: *Asperam nobis &  
injuvarem virtutum viam nimia facit visiorum  
consuetudo, quæ si in partem alteram transferatur,  
invenietur sicut Scriptura dicit, semita iustitiæ le-  
vis. Quod & ipsi agnoscunt in inferno qui sic ge-  
munt; Lassati sumus in via iniquitatis & perdis-  
tionis & ambulavimus vias difficiles, viam autē  
Domini, non vivimus. Quid nobis profuit superbia,  
aut divitiarum lætancia quid contulit nobis? Vi-  
desne ut distinguunt vias suas à via Domini?**

## TERTIA VERITAS.

Quanta est facilitas divitiarum, ut a-  
mentur, tanta est difficultas Divitum  
ut salventur.

SENSUS ET RATIO EST, Quia quanta est  
unicuique facilitas seu propensio naturæ in di-  
vitiis vel conquiritendas vel conservandas, tanta  
est illa cupiditas quæ est radix malorum omnium.  
Sed quanta est talis cupiditas, tanta est difficul-  
tas divitum ut salventur; cum enim difficultas  
salutis proveniat à prava illa cupiditate quæ sa-  
luti contraria suggerit, profectò quàm prona erit  
cupiditas, tanta inde crescet difficultas. Augmē-  
tum cupiditatis, diminutio charitatis; & dimi-  
nutio charitatis, augmentum difficultatis. Sic  
graviter sancti Hilarius & Hieronymus, *grave o-  
nus, inquit, innocentia subit, incrementum opum  
occupata, Id est, crescit cupiditate in anima quæ*

esset alioquin innocens, & quæ facillè salvaretur,  
tantum accedit onus ex illo cupiditatis incremen-  
to, ut desinat esse innocens & difficile possit sal-  
vari. *Iuga bouum em: quinque, & eo probata illa, ro-  
go te habe me excusatum. Sic se à gratis & à salu-  
tis comparandæ mediis excusat dives, suis au-  
gendis bonis occupatus; nec nisi difficulter quæ  
sunt salutis & quæ non sunt cupiditatis, operatur.*

Deniq; quanta sit opus cautione in tractandis  
divitiis, Clemens Alexandrinus sic apta simili-  
tudine repræsentat: *Divitia sunt serpenti similes, L. c. Pedag.  
quem si quis nescit ineffen se eminus accipere, bestia e. 6.  
sine periculo summâ caudâ apprehendens, ea ma-  
nu circumplebitur & mordebit: ita & divitia si  
ab improbo viro apprehenduntur, inhaerent &  
mordant: Sed si quis se magnificum præbens, recte &  
sciens uti utatur, illa suis permanebit. Quod ut a-  
perius liqueat, sit.*

## QUARTA ET QUINTA VERITAS

Nisi dives divitias faciat bonas; divitiæ  
malum facient divitem. Aut cælum  
perit divitiis, aut emitur.

RATIO EST, Quia nisi Dives divitias faciat  
bonas, non bene utetur divitiis;

Sed nisi bene utatur Divitiis, divitiæ malum  
facient divitem; & cælum dives suis perdet divi-  
tiis, quibus poterat illud emere.

Vera est igitur utraq; propositio; nec est aliter  
declaranda distinctius quàm exponendo, quid sit  
divitem divitias suas facere bonas; seu quid sit,  
illum bene aut malè suis uti divitiis. Hinc enim  
simul quod reliquum est in propositionibus, fa-  
cillè capitur.

Tres sunt autem modi quibus id exponi pos-  
sit. Primus est prodigalitatatis, cum in aperta mala  
cum in luxum, in convivia, ludos, equitatum, &  
supra quàm licitè potest, in sumptus ac im-  
pensas absumit omnes opes suas, tunc dives  
manifestè suis malè utitur divitiis, & malus effi-  
citur & cælum sibi perdit. *Quia ego dedi et frumē. Osee 2.  
et vinum, & oleum, & argentum multiplicavi  
ei & aurum quæ fecerunt Baal: Idcirco convertar.*  
Id est, jam non eis bona sed mala inferam, quia  
bonis collatis malè uti sunt, & in profanos con-  
verterunt usus. Quoquidem nomine quàm mul-  
ti sint mali divites, quis non videt, qui mundum  
& mundanos videt, quorum vix unus est, qui  
non suprâ quam deberet, insanos facit sumptus.

Secundus modus est avaritiæ, cum ex opposi-  
to sua sibi dives tam tenaciter servat, ut desit ne-  
cessariis subministrandis vel pauperibus vel do-  
mesticis, vel non fideliter reddendis quæ debet,  
vel infideliter exigendis quæ sibi fortè debeatur  
unde multum contra justitiam, charitatem, mā-  
suetudinem, misericordiam cæterasque virtutes  
peccetur. Quis tum etiam non intelligat malum  
illum esse divitem, & cœli iacturam facere, dum  
temporale lucrum nimis accurat? Sic paucis, sed  
multum consideratè Sapiens; *conturbat domum*  
*suam qui sectatur avaritiam.* Domum suam, Id  
est, rem familiarem sive domesticos. *Domū suam*  
id est, conscientiam & gratiarum œconomiam;  
*Domum suam*, Id est, illam æternitatis domum &  
stationem ad quam vocatus erat, conturbat & e-  
vertit & pessumdat hæc omnia.

Tertius deniq; est inertie cuiusdam spiritua-  
lis, quæ fit, ut dives licet nec admodum prodigus  
nec avarus sit, tam parum tamen est de suo salu-  
tis negotio sollicitus, ut in acquirendis, conser-  
vandis, & impendendis pecuniis nihil aliud spe-  
det quàm suum temporale lucrum vel transito-  
riam commoditatem nihil de cœlo, nihil de ani-  
ma, nihil de Deo cogitet, seq; unum quodãmodo  
pro suarum sine divitiarum statuatur, suam unam  
utilitatem, vel quæ inde hauritur, delectationem  
vel qui simul conjungitur sæcularem factum re-  
spiciat & intendat, etiam non cogitans, sed natu-  
rali tantum & humano motu, què non purificat  
nobilitiori aliquo & supernaturali motivo. Tunc  
dives divitias suas non facit bonas, nec satis bene  
his utitur. Tunc divitiæ malum etiam faciunt di-  
vitem. Tunc denique cœlum dives suis illis di-  
vitiis perdit, quibus illud emere poterat.

Tria sunt hæc distinctè paulo fusius expla-  
nanda.

Primum, quod divitias suas dives non faciat  
bonas, bonitate morali & meritoria, de qua hic  
agitur, satis apertum est, cum nullum tale sit bo-  
num quod sine suo caret: Est enim finis in mora-  
libus quod forma in naturalibus, unde sicut nihil  
existit naturale quod forma careat, ita nihil mo-  
rale quod sine suo privetur. Suo sine autem di-  
ves pecuniæ suæ privat usum, qui tantum ea uti-  
tur quo sine diximus; non est finis qui moralem  
ullam conferat bonitatem cœlo dignam, animæ  
utilem & Deo gratam. Finis est merè tēporarius,  
merè naturalis & humanus quem sibi potest Eth-  
nicus & publicanus proponere. *Nonne & Publi-*  
*cani, nonne & Ethnici hoc faciunt? Q. d. ut habet*  
*interlineatis, in hoc non plus faciunt quàm gentiles,*

Matth. 5.

ex humano affectu hoc facientes. Unus unus super-  
naturalis finis est, qui vel actu vel virtute intētus  
potest hunc bonorem impertiri cum gratia rebus  
creatis, ut bonæ sint, qua bonitate Deus colitur &  
animæ salus promovetur. Hic est unus Christiano  
finis propositus, hic est unus quem Deus spectat  
largiendo divitiibus suas divitias: quibus, ut reli-  
quis creaturis, utantur tanquam mediis ad salutē  
comparandam: *Vni-versa enim propter semetipsum*  
*operatus est Dominus.* Unde quàm verum est Di-  
vitem non spectare hunc finem; tam certum est  
non bonas facere suas divitias quæ hoc solo spe-  
ctato sine bonæ esse possit. Neq; alius dicat bo-  
num esse suam servare vitam, suam famam, suam  
familiam, ac proinde bonas esse divitias, quarum  
ministerio bona illa servantur. Esto enim sint bo-  
næ bonitate quam vocant entis & naturæ, de hac  
modò non agitur, ut supra dictum est, sed de bo-  
nitate moris & gratiæ, quæ sit æterni capax meri-  
ti & futuræ fœmen beatitudinis. Hæc autem boni-  
tas quæ sola vera est bonitas, tam necessariò nos-  
tris in actionibus finē exigit supernaturalem, ut  
nisi finis ille adsit, nec ipsa quæ dicuntur bona o-  
pera, verè sint bona. Sic aptè S. Augustinus in illi  
Psalmi versiculum, *averte oculos meos ne videant*  
*vanitatem,* postquàm multis egit contra laudis ap-  
petitum, sic concludit ad rē nostram: *porro si va-*  
*num est propter hominum laudes bona facere, quā-*  
*to vanius propter adipiscendam pecuniam vel au-*  
*gendā sive retinendā, & si quid huiusmodi est com-*  
*modi tēporalis, quod nobis accidit extrinsecus, quia*  
*omnia vanitas.* Propter ipsam deniq; temporalem  
salutem, non debemus facere bona opera nostra, sed  
potius propter illam quam speramus, ubi bono im-  
mutabili perfruamur. Sic & S. Gregorius: *vigilā-*  
*ti cura per cuncta opera intentio nobis nostra pen-*  
*sanda est, ut nil temporale in his qua agit, appetat;*  
*& totam se in soliditate æternitatis figat; ne sit extra*  
*fundamentum, actionis nostræ fabrica ponitur, ter-*  
*ra delibescere solvatur.*

Secundum quod inde sequitur, est, divitias eū  
sic bonæ non sunt, malum facere divitem: Et id  
quidem duobus modis, primò negativè ut vo-  
cant, sicut dicitur arbor mala quæ non facit fru-  
ctum bonum, & servus malus qui acceptum ta-  
lentum non duplicat. Sic planè dives malus qui  
ex divitiis non refert salutarem fructum, cui  
potissimum referendo divitiæ datæ sunt, ut cer-  
ta salutis media. Unde à villico quæritur: *Redde*  
*rationem vili-cationis tuæ.* Id est, bonorum om-  
nium sive spiritualium sive temporalium, quo-  
rum administratio sic divitiibus est credna, ut qui  
benè

Prov. 16.

Pf. 118.

28. Mt.

c. 13.

Luc. 16.